

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJA

po Zahtjevu Agencije za javne nabavke na prednacrt Zakona o javnim nabavkama

Sarajevo,
Januar, 2026. godine



Broj: 07-26-7-019-4/25
Sarajevo, 16.01.2026. godine

Konkurencijsko vijeće Bosne i Hercegovine na osnovu člana 25. stav (2) Zakona o konkurenciji („Službeni glasnik BiH“, br. 48/05, 76/07 i 80/09), a po Zahtjevu za davanje mišljenja Agencije za javne nabavke Bosne i Hercegovine ul. Maršala Tita 9a/I, 71000 Sarajevo, na 39. (tridesetdevetoj) sjednici održanoj dana 16.01.2026. godine, donijelo je

MIŠLJENJE

Agencija za javne nabavke Bosne i Hercegovine ul. Maršala Tita 9a/I, 71000 Sarajevo (u daljem tekstu: Agencija ili Podnosilac zahtjeva) je podnijela Konkurencijskom vijeću Bosne i Hercegovine (u daljem tekstu: Konkurencijsko vijeće) Zahtjev za davanje mišljenja (u daljem tekstu: Zahtjev) na Nacrt zakona o javnim nabavkama, zaprimljen dana 28.08.2025. godine pod brojem: 07-26-7-019-1/25.

Prvobitno dostavljeni Nacrt zakona o javnim nabavkama je zamijenjen novim tekstom Nacrta Zakona o javnim nabavkama (u daljem tekstu: Nacrt Zakona) koji je objavljen na platformi e-Konsultacije, te se prema dopisu Agencije za javne nabavke BiH broj: 04-02-1-487-15/25 od 12.12.2025. godine, to ima smatrati zvaničnim tekstom Nacrta zakona o javnim nabavkama na koji se treba dati mišljenje o usklađenosti sa odredbama Zakona o konkurenciji.

Nacrtom zakona se uređuje sistem javnih nabavki u Bosni i Hercegovini, utvrđuju pravila za postupke javnih nabavki, i to na način da se definiiraju prava, dužnosti, odgovornosti, pravna zaštita učesnika u postupku javne nabavke, nadležnosti Agencije za javne nabavke Bosne i Hercegovine i Ureda za razmatranje žalbi Bosne i Hercegovine (u daljnjem tekstu: URŽ), kao i druga pitanja od značaja za sistem javnih nabavki.

Konkurencijsko vijeće je izvršilo analizu odredbi Nacrta Zakona, sa posebnim osvrtom na članove zakona kojima se propisuju nadležnosti Konkurencijskog vijeća u postupcima javnih nabavki, te u skladu sa svojim nadležnostima, daje mišljenje kako slijedi:

Član 77. (Uvid u dokumentaciju postupka izuzeća i praćenje izvršenja ugovora o izuzeću, praćenje izvršenja ugovora o izuzeću od strane javnog ugovornog organa), u stavu (2) propisuje:

„ (2) Agencija, Konkurencijsko vijeće Bosne i Hercegovine, uredi za reviziju javnog sektora u Bosni i Hercegovini, svaki organ i institucija Bosne i Hercegovine, Federacije Bosne i Hercegovine, Republike Srpske, Brčko Distrikta Bosne i Hercegovine, kantona, grada i općine u čijoj nadležnosti je inspekcija i kontrola zakonitosti trošenja javnih sredstava, pravobranilaštva na svim nivoima vlasti u Bosni i Hercegovini, kao i tužilaštva na svim nivoima vlasti u Bosni i Hercegovini imaju pravo i obavezu, u cilju zaštite javnog

interesa, uvida u cjelokupnu dokumentaciju postupka izuzeća, utvrđivanja da li je izuzeće zakonito primijenjeno i praćenja da li se ugovor o izuzeću izvršava u skladu sa uslovima iz dokumentacije o izuzeću i odabranom ponudom.“

Komentar / Mišljenje: Ovakva odredba Nacrta zakona nije u skladu sa Zakonom o konkurenciji, kojim je utvrđena nadležnost Konkurencijskog vijeća Bosne i Hercegovine. Bilo kakvo proširenje nadležnosti Konkurencijskog vijeća drugim zakonima, značilo bi zadiranje u nezavisnost državnog organa, koliziju i neusklađenost zakona, što bi izazvalo pravnu nesigurnost. Zakon o javnim nabavkama ne može davati nova ovlaštenja i obaveze postupanja Konkurencijskom vijeću.

U Poglavlju XII. Nacrta zakona, koje bliže uređuje sprečavanje korupcije, zaštitu konkurencije i sukob interesa, u članu 91. (Sprečavanje korupcije i zaštita konkurencije) u st. (4), (5) i (6) propisano je:

„ (4) Za postupke zaštite tržišne konkurencije nadležno je Konkurencijsko vijeće Bosne i Hercegovine.

(5) U slučaju postojanja osnova sumnje da se u postupku nabavke narušava tržišna konkurencija zahtjev za pokretanje postupka pred Konkurencijskim vijećem Bosne i Hercegovine može podnijeti svako pravno ili fizičko lice koje za to ima pravni ili ekonomski interes, privredne komore, udruženja poslodavaca ili privrednika, udruženja potrošača i organi izvršne vlasti.

(6) Prijavu korupcije i povrede konkurencije nadležnim organima može podnijeti i svako lice koje plaća porez u Bosni Hercegovini, kao i svaki građanin, bez bilo kakvih posljedica po svoj status.“

Komentar / Mišljenje: Konkurencijsko vijeće smatra da je u stavu (4) iza riječi „Bosne i Hercegovine“, potrebno dodati „u skladu sa Zakonom o konkurenciji“, kako bi jasno bilo navedeno kojim zakonom je tijelo za zaštitu konkurencije osnovano i kojim su propisane nadležnosti istog.

U stavu (5) istog člana, iza riječi „Bosne i Hercegovine može podnijeti“ potrebno je brisati preostali dio i dodati u skladu sa Zakonom o konkurenciji, s obzirom da je Zakonom o konkurenciji propisano ko i kako može podnijeti zahtjeva za pokretanje postupka pred Konkurencijskim vijećem.

Stav (6) je također nejasan jer Zakonom o konkurenciji nije propisano, niti ograničeno pravo podnošenja prijave bez obzira na status poreznih obveznika ili državljanstvo, s obzirom da Zakon kaže „svako pravno ili fizičko lice može podnijeti zahtjev KV“, uključujući i strana lica, udruženja, konkurente, potrošače, organe izvršne vlasti itd...

Navedena odredba nije usklađena sa Zakonom o konkurenciji jer neopravdano sužava krug lica koja mogu podnijeti prijavu povrede tržišne konkurencije. Ukoliko se ista želi zadržati Konkurencijsko vijeće predlaže sljedeću formulaciju:

„Postupak prijave korupcije i povrede konkurencije nadležnim organima može podnijeti svako pravno ili fizičko lice.“

Član 332. (Uvid drugih lica) propisuje:

„ (1) Svako drugo lice koje plaća porez u Bosni i Hercegovini i građanin ima, u svakom trenutku, pravo uvida, a javni ugovorni organ ima obavezu omogućavanja uvida, u cjelokupnu dokumentaciju dotičnog postupka, uključujući zapisnike, dostavljene ponude/zahtjeve za učešće i sve druge dokumente vezane za isti postupak, sa izuzetkom informacija označenih kao povjerljive u skladu s ovim zakonom.

(2) Agencija, Konkurencijsko vijeće Bosne i Hercegovine, uredi za reviziju javnog sektora u Bosni i Hercegovini, svaki organ i institucija Bosne i Hercegovine, Federacije Bosne i Hercegovine, Republike Srpske, Brčko Distrikta Bosne i Hercegovine, kantona, grada i općine u čijoj nadležnosti je inspekcija i kontrola zakonitosti trošenja javnih sredstava, pravobranilaštva na svim nivoima vlasti u Bosni i Hercegovini, kao i tužilaštva na svim nivoima vlasti u Bosni i Hercegovini imaju pravo i obavezu, u cilju zaštite javnog interesa, uvida u cjelokupnu dokumentaciju dotičnog postupka, uključujući zapisnike, dostavljene ponude/zahtjeve za učešće i sve druge dokumente vezane za isti postupak.

(3) U slučaju da se uvidom utvrde nezakonitosti i nepravilnosti Agencija, Konkurencijsko vijeće Bosne i Hercegovine, uredi za reviziju javnog sektora u Bosni i Hercegovini, svaki organ i institucija Bosne i Hercegovine, Federacije Bosne i Hercegovine, Republike Srpske, Brčko Distrikta Bosne i Hercegovine, kantona, grada i općine u čijoj nadležnosti je inspekcija i kontrola zakonitosti trošenja javnih sredstava, pravobranilaštva na svim nivoima vlasti u Bosni i Hercegovini, kao i tužilaštva na svim nivoima vlasti u Bosni i Hercegovini imaju obavezu da u cilju zaštite javnog interesa pokrenu žalbeni postupak kod nadležnog URŽ, te pokretanje postupka kod nadležnih organa za utvrđivanje svih oblika odgovornosti.

(4) Ukoliko lica z stava (1) ovog člana posumnjaju da je postupak nezakonit mogu podnijeti inicijativu licima iz stava (2) ovog člana, koji su nakon razmatranja činjenica i okolnosti obavezni pokrenuti postupke propisane stavom (3) ovog člana.

(5) Na sastavljanje, generisanje, donošenje, objavljivanje i dostavljanje dokumenata u postupku zahtjeva za uvid u dokumentaciju postupka nabavke i u postupku uvida u dokumentaciju postupka nabavke primjenjuje se član 11. ovog zakona.

(6) U slučaju povrede obaveza iz ovog člana od strane javnog ugovornog organa postupak se smatra ništavim.“

Komentar / Mišljenje: *Nezavisna tijela kao što je Konkurencijsko vijeće mogu obavljati poslove koji su propisani zakonom i koji uređuje njegovu djelatnost, što je u konkretnom slučaju regulisano Zakonom o konkurenciji i sve drugo je neprimjenjivo, u dijelu zadiranja u nezavisnost i funkcionisanje Konkurencijskog vijeća.*

Zakonom o javnim nabavkama ne mogu se davati nova ovlaštenja Konkurencijskom vijeću, nametati nove obaveze, s obzirom da Konkurencijsko vijeće postupa isključivo po Zakonu o konkurenciji. U postupcima javnih nabavki mnoge nepravilnosti nisu povrede konkurencije, a neke povrede ne zavise od ishoda nabavke. Zakonom bi se mogla propisati obaveza obavještavanja, omogućiti dostavljanje inicijative Konkurencijskom vijeću ali se ne može obavezati Konkurencijsko vijeće na postupanje i dodjeljivati mu nova ovlaštenja.

Nadležni organi mogu u slučaju sumnje na povredu Zakon o konkurenciji, dostaviti informaciju Konkurencijskom vijeću u skladu sa Zakonom o konkurenciji.

Nadležnost Konkurencijskog vijeća određena je u materijalnopравnim odredbama Zakona o konkurenciji kojima se utvrđuju oblici zabranjenih djelovanja privrednih subjekata, a dijelom odredbama koje propisuju ovlaštenja prilikom provođenja postupka. Podsjećamo da Konkurencijsko vijeće ima vrlo široka ovlaštenja ali ona su sva ograničena osnovnom zadaćom provođenjem Zakona o konkurenciji. Zakonska obaveza Konkurencijskog vijeća je da onemogući, odnosno sankcioniše sprečavanje, ograničavanje ili narušavanje tržišne konkurencije.

Nacrt zakona u članu 336. (Praćenje izvršenja ugovora o javnoj nabavci od strane drugih lica) propisuje:

„ (1) Svaki učesnik u postupku javne nabavke, kao i svako drugo lice koje plaća porez u Bosni i Hercegovini i građanin ima, u svakom trenutku, pravo uvida, a javni ugovorni organ ima obavezu omogućavanja uvida, u izvršenje ugovora/okvirnog sporazuma o javnoj nabavci, te informisanje i dokumentovanje o tome da li se ugovor/okvirni sporazum o javnoj nabavci izvršava u skladu sa uslovima iz tenderske dokumentacije i odabranom ponudom.

(2) Agencija, Konkurencijsko vijeće Bosne i Hercegovine, uredi za reviziju javnog sektora u Bosni i Hercegovini, svaki organ i institucija Bosne i Hercegovine, Federacije Bosne i Hercegovine, Republike Srpske, Brčko Distrikta Bosne i Hercegovine, kantona, grada i općine u čijoj nadležnosti je inspekcija i kontrola zakonitosti trošenja javnih sredstava, pravobranilaštva na svim nivoima vlasti u Bosni i Hercegovini, kao i tužilaštva na svim nivoima vlasti u Bosni i Hercegovini imaju obavezu da u cilju zaštite javnog interesa prate da li se ugovor/okvirni sporazum o javnoj nabavci izvršava u skladu sa uslovima iz tenderske dokumentacije i odabranom ponudom.

(3) U slučaju da se ugovor/okvirni sporazum o javnoj nabavci ne izvršava u skladu sa uslovima iz tenderske dokumentacije i odabranom ponudom Agencija, Konkurencijsko vijeće Bosne i Hercegovine, uredi za reviziju javnog sektora u Bosni i Hercegovini, svaki organ i institucija Bosne i Hercegovine, Federacije Bosne i Hercegovine, Republike Srpske, Brčko Distrikta Bosne i Hercegovine, kantona, grada i općine u čijoj nadležnosti je inspekcija i kontrola zakonitosti trošenja javnih sredstava, pravobranilaštva na svim nivoima vlasti u Bosni i Hercegovini, kao i tužilaštva na svim nivoima vlasti u Bosni i Hercegovini imaju obavezu da u cilju zaštite javnog interesa pokrenu postupke kod nadležnih organa za poništenje ugovora/okvirnog sporazuma, odnosno raskid ugovora/okvirnog sporazuma, te utvrđivanje svih oblika odgovornosti.

(4) Ukoliko lica stava (1) ovog člana posumnjaju da se ugovor/okvirni sporazum o javnoj nabavci ne izvršava u skladu sa uslovima iz tenderske dokumentacije i odabranom ponudom mogu podnijeti inicijativu licima iz stava (2) ovog člana, koji su nakon razmatranja činjenica i okolnosti obavezni pokrenuti postupke propisane stavom (3) ovog člana.

(5) U slučaju povrede obaveza iz ovog člana od strane javnog ugovornog organa ugovor/okvirni sporazum o javnoj nabavci se smatra ništavim.“

Komentar / Mišljenje: *Stvarna nadležnost Konkurencijskog vijeća propisana je Zakonom o konkurenciji, te istim nisu predviđena ovlaštenja Konkurencijskog vijeća da prati izvršenje ugovora o javnim nabavkama, te u tom pogledu Konkurencijsko vijeće ne može biti nadležno za praćenje izvršenja uslova iz tenderske dokumentacije. Ovakva odredba nije u skladu sa Zakonom o konkurenciji, kojim je utvrđena nadležnost Konkurencijskog*

vijeća. Bilo kakvo proširenje nadležnosti Konkurencijskog vijeća drugim zakonima, izazvalo bi pravnu nesigurnost.

Transparentnost ne znači neograničen i kontinuiran uvid trećih lica u svu dokumentaciju u postupcima javnih nabavki. Konkurencijsko vijeće nije organ nadležan za nadzor izvršenja ugovora o javnim nabavkama, te ne postupa po Zakonu o javnim nabavkama osim u postupcima provođenja javnih nabavki kao ugovorni organ.

Prihvatljivo je da treća lica mogu ukazati na nepravilnosti, ali sporna je formulacija stava (4) ovog člana prema kojoj su organi iz stava (2) obavezni pokrenuti postupke. Inicijativa ne može proizvesti obavezu pokretanja postupka jer svaki nadležni organ mora imati mogućnost samostalne pravne ocjene postojanja osnova za postupanje.

Ovakvom normom se ukida samostalnost i diskrecija organa za postupanje.

Predloženu odredbu je potrebno precizirati i ograničiti na nadležnosti propisane isključivo Zakonom o javnim nabavkama, bez zadiranja u nadležnost drugih organa i bez uvođenja normativnog nametnutog postupanja, koje isključuju prethodno pravnu ocjenu nadležnih organa u skladu sa važećim pravnim okvirom.

Član 340. Praćenje izvršenja ugovora o javnoj nabavci od strane drugih lica) propisuje i nadležnosti Konkurencijsko vijeća kako slijedi:

„ (1) Svaki učesnik u postupku javne nabavke, kao i svaku drugo lice koje plaća porez u Bosni i Hercegovini i građanin ima, u svakom trenutku, pravo uvida, a javni ugovorni organ ima obavezu omogućavanja uvida, u izmjene ugovora/okvirnog sporazuma o javnoj nabavci tokom njegovog trajanja, te informisanje i dokumentovanje o tome da li se ugovor/okvirni sporazum o javnoj nabavci izmijenio u skladu sa ovim zakonom.

(2) Agencija, Konkurencijsko vijeće Bosne i Hercegovine, uredi za reviziju javnog sektora u Bosni i Hercegovini, svaki organ i institucija Bosne i Hercegovine, Federacije Bosne i Hercegovine, Republike Srpske, Brčko Distrikta Bosne i Hercegovine, kantona, grada i općine u čijoj nadležnosti je inspekcija i kontrola zakonitosti trošenja javnih sredstava, pravobranilaštva na svim nivoima vlasti u Bosni i Hercegovini, kao i tužilaštva na svim nivoima vlasti u Bosni i Hercegovini imaju obavezu da u cilju zaštite javnog interesa prate da li se ugovor/okvirni sporazum o javnoj nabavci izmijenio u skladu sa ovim zakonom.

(3) U slučaju da se ugovor/okvirni sporazum o javnoj nabavci nije izmijenio u skladu sa ovim zakonom Agencija, Konkurencijsko vijeće Bosne i Hercegovine, uredi za reviziju javnog sektora u Bosni i Hercegovini, svaki organ i institucija Bosne i Hercegovine, Federacije Bosne i Hercegovine, Republike Srpske, Brčko Distrikta Bosne i Hercegovine, kantona, grada i općine u čijoj nadležnosti je inspekcija i kontrola zakonitosti trošenja javnih sredstava, pravobranilaštva na svim nivoima vlasti u Bosni i Hercegovini, kao i tužilaštva na svim nivoima vlasti u Bosni i Hercegovini imaju obavezu da u cilju zaštite javnog interesa pokrenu postupke kod nadležnih organa za poništenje izmjene ugovora/okvirnog sporazuma, odnosno raskid izmjene ugovora/okvirnog sporazuma, te utvrđivanje svih oblika odgovornosti.

(4) Ukoliko lica iz stava (1) ovog člana posumnjaju da se ugovor/okvirni sporazum o javnoj nabavci nije izmijenio u skladu sa ovim zakonom mogu podnijeti inicijativu licima

iz stava (2) ovog člana, koji su nakon razmatranja činjenica i okolnosti obavezni pokrenuti postupke propisane stavom (4) ovog člana.

(5) U slučaju povrede obaveza iz ovog člana od strane javnog ugovornog organa izmjena ugovora/okvirnog sporazuma o javnoj nabavci se smatra ništavom.“

Komentar / Mišljenje: Treba napraviti razliku između postupka javnih nabavki i postupka utvrđivanja postojanja zabranjenih sporazuma. Pojam zabranjenog sporazuma je definisan Zakonom o konkurenciji i podzakonskim aktima, i u iste ne spada praćenje postupka javne nabavke koji provodi ugovorni organ u skladu sa Zakonom o javnim nabavkama.

Norma člana 340. je preširoko i nedovoljno formulisana, zadire u nadležnost drugih organa, uvodi postupanje bez ostavljanja prostora za prethodnu pravnu ocjenu nadležnih institucija. Svi organi stavljaju se u istu ravan, te obavezuju na postupanje u oblasti koja ne spada u njihovu nadležnost. Potrebno je precizirati i ograničiti se na sistem javnih nabavki, ukloniti formulacije koje dovode do miješanja nadležnosti i samih postupaka.

U članu 487. (Aktivna legitimacija) propisano je da Konkurencijsko vijeće Bosne i Hercegovine pored ostalih navedenih institucija, kada sazna za nepravilnosti u postupcima javnih nabavki, ima pravo i obavezu žalbe u cilju zaštite javnog interesa.

Komentar / Mišljenje: Mišljenje Konkurencijskog vijeća je da ovakva odredba nije u skladu sa Zakonom o konkurenciji, kojim je utvrđena nadležnost Konkurencijskog vijeća. Bilo kakvo proširenje nadležnosti Konkurencijskog vijeća drugim zakonima, izazvalo bi pravnu nesigurnost.

Prema Nacrtu zakona Poglavlje VIII „Postupanje URŽ, pokretanje prekršajnog postupka od stvarne URŽ i posebno ovlaštenje Konkurencijskog vijeća Bosne i Hercegovine“.

Komentar / Mišljenje: Iz navedenog naslova Poglavlja VIII, potrebno je brisati „Konkurencijsko vijeća Bosne i Hercegovine“, u skladu sa nadalje datim primjedbama.

Nacrt zakona u članu 519. propisuje posebna ovlaštenja Konkurencijskog vijeća Bosne i Hercegovine kako slijedi:

„ (1) Konkurencijsko vijeće Bosne i Hercegovine će privrednom subjektu izreći mjeru zabrane učešća u postupku javne nabavke ako utvrdi da je privredni subjekt povrijedio konkurenciju u postupku javne nabavke u smislu zakona kojim se uređuje zaštita konkurencije.

(2) Mjera iz stava (1) ovog člana može trajati do dvije godine.

(3) Protiv odluke iz stava (1) ovog člana može se pokrenuti upravni spor pred Sudom Bosne i Hercegovine u roku od 30 dana od dana prijema odluke.“

Komentar / Mišljenje: Stav Konkurencijskog vijeća je da ovakvo normiranje mora biti usklađeno sa Zakonom o konkurenciji, koji taksativno određuje koje mjere Konkurencijsko vijeće može izreći privrednim subjektima. Zakon o konkurenciji ne predviđa mjeru zabrane učešća u javnim nabavkama, niti bilo kakvu mjeru procesne ili statusne prirode u postupcima javnih nabavki.

Neprihvatljiva je navedena odredba, Zakona o javnim nabavkama jer se ne može proširivati nadležnosti Konkurencijskog vijeća drugim zakonom. Zakon o konkurenciji ne predviđa izricanje mjera procesne ili statusne prirode u sistemu javnih nabavki. Mjere koje Konkurencijsko vijeće može izreći jasno su propisane Zakonom o konkurenciji. S tim u vezi potrebno je navedenu odredbu brisati ili suštinski izmjeniti kako bi se osigurala pravna sigurnost.

Član 534. Nacrta zakona propisuje institucije koordinacionog mehanizma na način kako slijedi: „Koordinacioni mehanizam čine posebno, ali bez ograničenja Agencija, URŽ, Sud Bosne i Hercegovine, Konkurencijsko vijeće Bosne i Hercegovine, uredi za reviziju javnog sektora u Bosni i Hercegovini, svaki organ i institucija Bosne i Hercegovine, Federacije Bosne i Hercegovine, Republike Srpske, Brčko Distrikta Bosne i Hercegovine, kantona, grada i općine u čijoj nadležnosti je inspekcija i kontrola zakonitosti trošenja javnih sredstava, APIK, pravobranilaštva na svim nivoima vlasti u Bosni i Hercegovini, te istražni tužilački i policijski organi u Bosni i Hercegovini.“

Komentar / Mišljenje: *Navedeni član nije usklađen sa Zakonom o konkurenciji jer nadležnost Konkurencijskog vijeća obuhvata, vođenje upravnih postupaka, provođenje istraga u smislu prikupljanja i ocjene dokaza, utvrđivanja postojanja zabranjenih sporazuma, ocjene koncentracija privrednih subjekata, izricanje mjera u skladu sa Zakonom o konkurenciji. Konkurencijsko vijeće ne obavlja inspekcijske nadzore, ne provjerava trošenje javnih sredstava, niti učestvuje u kontrolama koje se odnose na izvršenje ugovora o javnim nabavkama.*

Uloga Konkurencijskog vijeća se može posmatrati isključivo u okviru Zakonom propisanih nadležnosti, te Konkurencijsko vijeće predlaže brisanje svih odredbi koje su u suprotnosti sa Zakonom o konkurenciji.

Cijeneći sve naprijed navedeno, Konkurencijsko vijeće je utvrdilo, da je Nacrt zakona o javnim nabavkama potrebno usaglasiti sa naprijed navedenim primjedbama i sugestijama, obzirom da isti nije usklađen sa odredbama Zakona o konkurenciji.

Predsjednica

Ninela Salihbašić

Dostavljeno:

- Agencija za javne nabavke BiH
- Arhiva